

兵部知道

題



順治元年十月

(捺四五七九)

欽差巡撫山東等處地方督理營田提督軍務都察院右僉都御史臣方大猷謹

題爲僭莫大於竊名兵莫毒於害衆事拾月初玖
日據東昌道右叅政李棲鳳呈稱蒙撫院案驗
准兵部咨據原任兵部監軍贊理主事凌嗣揭
開原任副將王國棟不職情繇到部該本部具
啓奉

旨行撫按查實報敬此敬遵抄出到部合咨前去煩

將副將王國棟始末緣繇從公查明覆部以憑

轉覆等因到院案行到道蒙此隨行東昌府理

刑官嚴行速勘去後於拾月初壹日據臨清州

申稱已獲犯弁王國棟羈監候審緣繇到道爲

照王國棟既已爲事發勘所有營伍兵馬見今

乏人鈐束况此時當多事訓練查點猶難緩待
請乞憲裁或委營官暫署料理或另別賜定奪
等因到臣該臣看得臨清爲水陸咽喉防禦刻
難乏人除將見在士卒批令該道暫行統管外
內地久無紀律難以談兵且今趙賊叛逆處處
騷動須得廉勇素著固山一員前來坐鎮建威
銷萌方克有濟臣謹會同按臣朱朗錄合詞具
題伏乞

勅下兵部即日速補勒令受事施行緣係僭莫大於
竊名兵莫毒於害衆事理未敢擅便爲此具本
專差官孫英齋捧謹題請

順治二十月

拾壹

山無東華地方督理

提督軍務都察院右僉都御史臣方大猷

Handwritten signature in cursive script, likely reading '方大猷' (Fang Daxiu).



